

«:Բ: Հարազատաց Ջաքարէի եւ Իւանէի» հետ իր ազգակցութեան մասին: Եւ վերջապէս, Սանահինում Գրիգոր Տուտէորդի վարդապետի մահարձան-խաչքարի կողքին կանգնած խաչքարի թիկունքին ունենք, ամենայն հաւանականութեամբ, նոյն Յովհաննէս Ա-ի թողած 9 տողանոց վիմագիրը. «Ի թվի՝ ՈՂԶ: [=1227 թ.]. ես՝ տէր Յովհաննէս, առաջնորդ ս^{ուրբ} ուխտին Հաղբատա, կանգնեցի զխաչս ի հանգստարանի սնուցողի իմո Յովանէս քահանայի: Որք երկրպագէք, յիշեցէ՛ք ի Տէր»¹³⁸: Ընդամին, համադրելով Կիրակոս Գանձակեցու խօսքերը («որ յառաջն եթող զաթոռն [Հաղբատայ] եւ գնաց ի Խաչէն») եւ Խաղարաւանքի վիմագրերի տուեալները¹³⁹, կարող ենք, թերեւս, չկասկածել, որ Յովհաննէս Ա-ն նախ՝ Հաղբատի վանահայր-եպիսկոպոս է ձեռնադրուել ԺԲ. դ. վերջերին, դրանից ինչ-որ ժամանակ անց վերադարձել է հայրենիք, կառուցել Խաղարաւանքի գմբեթաւոր եկեղեցին ու վանահայրութիւն արել այնտեղ, ապա 1204 թ. վերադարձել է Հաղբատ: Այդ ժամ նա Խաղարաւանքը յանձնել է «իր եղբայր Հասանին ու նրա որդիներին», այսինքն՝ Դօփի որդի Յովհաննէսին, որն էլ իր հօրեղբոր մահուանից յետոյ պիտի ձեռնադրուէր Հաղբատի եպիսկոպոս:

Վերադառնանք Դօփի սկեսրայր Գրիգորի խնդրին, որի իշատակումն իր որդի Հասանի կողմից վերեւում տեսանք Խաղարաւանքի եւ Դադիվանքի մէկական վիմագրում (1219 եւ 1224 թթ.)¹⁴⁰: Եթէ ընդունենք յուշարձանագէտ Սամուէլ Այվազեանի այն դիտարկումը, ըստ որի Դադիվանքի համալիրում «տաճար» կոչուած կառոյցի 1211 թ. շինարարական վիմագրի

հեղինակ Գրիգորէսը¹⁴¹ ոչ թէ հոգեւորական է եղել (այն է՝ Հասան Մեծի ու Մամախաթունի հոգեւորական որդի Գրիգոր-Գրիգորիսը), այլ աշխարհական¹⁴², ապա կարող ենք համարել, որ Գրիգորէս անուանաձեւով ունենք Հասան Կրօնաւորեալի՝ Ծարի իշխան դարձած որդու, այսինքն՝ Դօփ Ջաքարեան իշխանուհու սկեսրայրի ինքնայիշատակումը: Եւ այսպիսով, Դօփի ամուսին Հասանի հայրը ոչ մի կերպ չի դառնում «Վախտանգ» (ԺԲ. դարի կէսի մի «երրորդ»!), ինչպէս վերը նշուած թիւրքմբենման հետեւանքով պնդում է Բ. Ուլուբաբեանը¹⁴³: Դա մնում է նոյն Գրիգորը

141 Բնագիրն է. «Թ^{ուի} : ՈՂ: [=1211 թ.]. ես՝ Գրիգորէս, որդի Հասանա, շինեցի գտաճարս յիշատակ հոգո իմո. յաղարս յիշեցէ՛ք» (Դիւան հայ վիմագրութեան, պր. V, էջ 212, N 749. Ս. Կարապետեան, Հայ մշակույթի յուշարձանները, էջ 116, N 58):

142 Ս. Այվազեան, Դադիվանքի հոգեւոր շինութիւնների կառուցման ժամանակագրական յաջորդականութիւնը, - ՊԲՀ, 2006, թիւ 3, էջ 204: Որոշ վերապահում ենք անում, քանի որ տուեալ դիտարկումն, այնուամենայնիւ, լրացուցիչ աղբիւրագիտական հիմքերով ամրապնդուելու կարիք ունի. իրականում վիմագրերում ունենք հոգեւորականի՝ առանց «տէր» գշումի, միայն անունով հանդէս գալու ոչ մեծաթիւ այլ դէպքեր եւս: Տե՛ս, օր.՝ Գանձասարի գաւթի հիւսիսային դռան բարաւորի վրայ՝ «Թիւ :2Ի: [=1271 թ.]... ես՝ Յովհաննէս, որդի Իւանէի, առաջնորդ ս^{ուրբ} ուխտիս Գանձասարա...» (Դիւան հայ վիմագրութեան, պր. V, էջ 50, N 122), Բերդաձորի Ս. Գրիգոր վանքի եկեղեցու հիւսիսային պատին, իր հօր կողմից ժամանակին այդ եկեղեցուն «սպասաւոր տրուած» տէր Գրիգորի վիմագրում՝ «ես՝ Գրիգորս, որդի Սակոի, վերստին շինեցի զեկեղեցիս ի թու՛ս :2Ը: [=1259 թ.]...» (նոյն տեղում, էջ 116, N 387):

143 Բ. Ա. Ուլուբաբեան, Խաչէնի իշխանութիւնը, էջ 155-156: Այս մօտեցումը, ցաւօք, առանց յատուկ փաստարկումների թերթւորէն կրկնում է մորագոյն աշխատանքներում, տե՛ս, օր.՝ Հ. Լ. Պետրոսեան, Լ. Վ. Կիրակոսեան, Վ. Ա. Սաֆարեան, Համդաբերդի վանքը, էջ 11: Հեղինակների մատնանշած (էջ 12, ծմթ. 8) Հաղբատի յայտնի Աւետարանի հետագայի յիշատակարանի (ձեռագիրը 1223 թ. ունի Սարգսի կողմից մուրրուել է Մեծ Կողմանց եպիսկոպո-

138 Տե՛ս Կ. Ղաֆադարեան, Սանահնի վանքը եւ նրա արձանագրութիւնները, Եր., 1957, էջ 180-181 (N 170):

139 Տե՛ս վերելում, ծմթ. 132 եւ 124, 125:

140 Տե՛ս վերելում, ծմթ. 122, 123: